

## **Pola Timotimo inmbaia mac tiratna timbiŋ rapar Outna kam**

Timoti ma Polna aiŋ kabena ramoot, ainda moca Pola manmo gan timbiŋ rapara tirra neanŋa matanŋek. Te, ma watca tipemb kirarir lainŋa ranŋaica mona. Na Timoti, ma ndona ritipacmo kai mo irik teac, na ma Iesus Karaisna kam wembanŋ lanŋa kammo wiwitina kai ndarekrekke teac. Na ma Raraŋ Aetaniacna kambmo muruŋa wandoŋ ŋgoinna ranŋairanŋ. Na meikramtaira manmo makukarapa, gŋgirara manmo neanŋ te, ma anna moca kai irik mbirac teac, na ma gagraca witikca an aiŋa Raraŋ Aetaniaca manmo neanŋrinanna, an aiŋa moranŋ.

Na Timoti, ma an iroar landamŋi lainŋ ko-corta meikramtairta ŋaŋaona kambmo, koara kai tikca warac teac. Ainta kambca ma meikramtairta eteacna watta mo ŋgocrairena. Aintik Timoti, ma Polna tipemb kirarirmo matau lamŋia, anna ranŋairanŋ. Na anna an ritipac gargarna tipemb kirarirapa, iro wewetta eacrenanapa, kabena meikramtairmo matŋirena tip kirarapa, makukarmo mbukraŋna tip kirarap.

**Timoti ma aiŋ gargara mo te, ma  
Raraŋ Aetaniacna aiŋna ramoot  
ndarunandet**

(1—4)

<sup>1</sup> Aku Pol, Karais Iesusna up angirena ramoot. Na Raraŋ Aetaniacna toŋtoŋ mbuŋa ma ndo aukmo larapaca, aku mana up angirena ramoot ndaruca, meikramtairmo mbopca mina an iarwarna eteacna watta ma babuatnanmo, an Karais Iesusa ripacrena meikramtairmo neaŋnande.

<sup>2</sup> Aintik Timoti, u aukna mamatŋina nuoc ŋgoin tik, aku unmo timbiŋ rapara tirca neaŋga makipek. Te, Raraŋ Aetaniacapa, aina Kacoot Karais Iesusa unmo kadmaica, unmo kakadmaina opotaca moca, una iro inikca moi wewet-taca laŋ ndeacnandet.

*Aia kam wembaŋ laŋna moca numbira kai mo teac*

<sup>3</sup> Na aku Raraŋ Aetaniacmo kam laŋ neaŋrena, na aukna nicar ŋgamrirapa auk, aia manmo mbendeirena, na mana aiŋira morenan. Na aukna iro inikca aku lamŋirena, aku tipemb ŋgorikta makukara mana lamniac ŋgoutta aku kamaind. Ainda moca aku mouŋapa, raap mbendeirenanna, aku memetmbaca una lamŋirenana. <sup>4</sup> Na Timoti, una nananaena timbta moca aku memetmbaca malamŋireke, na unmo mac watna toŋtoŋ ŋgoin, na aku unmo wat te, aku toŋgonandet. <sup>5</sup> Na aku matau lamŋirenanna, u Karaismo gidikca ripacrena. An tipna kirar kabea una aem Iunisapa nicau meac Loisa ŋgaua Karaisa ripacrina kirar. Na mandeacna minna aku una an ritipac gargarna

---

**1:1** Epe 1.1    **1:2** Up 16.1, na 1 Ti 1.2    **1:3** Up 22.3, na 23.1, na Ro 1.8-9, na Pil 3.5, na 1 Te 1.2, na 3.10    **1:5** Up 16.1, na 1 Ti 1.5, na 4.6

moca lamņirena. <sup>6</sup> Na aku una iroa moca ņgep te, an kakadmaina opotaca Raraņ Aetaniaca unmo neaņrenanmo, una nikinik iroa moi gagrana mona. An kirara ramootta tacmo, wica ma aniac a wirrina. Na an reac laņna gargara Raraņ Aetaniaca unmo neaņrinanna, na aku ndona para una paņan nambatta tikrinanna, anna ndoprena. <sup>7</sup> Na u lamņirena, an Neroņa Raraņ Aetaniaca unmo neaņrinanna, ma aimo mba mo nanambirena ņeroņ. Ma aimo gargar neaņrenan, na ma aimo moca aia kabena meikramtaira matņirenan, na ma aimo otaca, aia ndorita eteacna watmo mataua raupņirena.

<sup>8</sup> Ainda moca u aina Kacootna kammo, wiwitina numbira kai mo teac. Na aku kac ņgoreaca eacrenanna, aukmo numbira kai mo teac. Na u Raraņ Aetaniacna, gargar aņgica aukap kam wembaņ laņmo wiwitina aiņna makuk mbukna. <sup>9</sup> Na Raraņ Aetaniaca aimo mac nda aņgiri, na ma aimo acrina, te, aia mana meikramtair teacnandet. Na aia morina tipemb kirarir laiņta moca ma mba lamņirina, na aimo acrina. Wanaiņ. Atu ņgoinna ma reac ianna mo ņgocor ndeacri, ma aimo ndona tonņon mbuņa ņgacrina. Aintik Karais Iesus mbuņa ma aimo kadmaica aimo mana meikramtaira moca larurina. <sup>10</sup> Na mandeacna minna Karais Iesus, ma aimo mac nda aņgina Ramoot, na ma raekca larurina. Na mana aiņna moca, Raraņ Aeta-

---

**1:6** 1 Te 5.19, na 1 Ti 4.14    **1:7** Lk 24.49, na Up 1.8, na Ro 8.15

**1:8** Ro 1.16, na Pil 1.7, na Kol 1.24, na 1 Ti 2.6    **1:9** Ro 8.28, na Epe 1.4, na 2.8-9, na 1 Te 4.7, na Ta 3.5, na Ib 3.1, na 1 Pi 1.20

**1:10** 1 Ko 15.54-57, na Kol 1.26, na Ib 2.14, na 1 Pi 1.20

niacna kakadmai toco, raekca eacrena. Ainda moca Karais Iesusa memenacna gargara mo irikrina, na mana kam wemban laj mbuḡa, ma moca meikramtaira muruḡcamiḡa iarwarna eteacna watta lamḡirena.

<sup>11</sup> Ainda moca gan kam wemban laḡna moca ma tonḡorina, aintik aku an aiḡa morena. Na ma aukmo Raraḡ Aetaniacna kammo wiwiti-nan, na mana up aḡḡirena ramoot ndaruna, na meikramtairmo riptinan. Ainda moca ma aukmo larapacrina. <sup>12</sup> Ainda moca aku an makukara aḡḡirena. Na aku anna keca, numbira mba morena. Na aku ripacrena ramootmo, aku malamḡireke. Na aku matau lamḡirena an aiḡ toco, ma aukna para tikrinanna, ma mataua raupḡinandet, te, an aiḡa memetmbaca laḡ ndeacraḡnandet, taḡca Karaisna kikiḡna Ra aniaca kipnandet.

<sup>13</sup> Ainda moca u matau lamḡi, an kamb lainḡa aku unmo neaḡrinanna, u an tipna kirar mbuḡa u kambmo wandoḡa wiwitica meikramtairmo neaḡ. Na u Karais Iesusmo gagraca ripaca, na ndona mamatḡimo mammo neaḡ te, an tipna kirar mbuḡa u minmo kambmo wiwitica mbop. <sup>14</sup> Na an kam wemban laḡ Raraḡ Aetaniaca una para tikrina, na u anmo raupḡi. Na ma reac laḡ ḡḡoin, aintik u manmo mataui raupḡiraḡ. Na an Neḡoḡ Ratta aiap eacrenanna, ma unmo an aiḡa otacnandet.

---

**1:11** 1 Ti 2.7    **1:12** Epe 3.1-2, na 1 Ti 6.20, na 2 Ti 4.8, na 1 Pi 4.19    **1:13** 1 Ti 1.10, na 4.6, na 6.3, na 2 Ti 2.2, na 3.14, na Ta 1.9, na 2.1, na Ib 10.23    **1:14** Ro 8.11, na 1 Ti 6.20

<sup>15</sup> Na u lamņirena, Esiana pitrikna meikramtaira muruņcamiņa aukmo iņ neaņrinan, na Pigelusapa Iermogenes toco, aukmo iņ neaņrina.

<sup>16</sup> Ri, aku Raraņ Aetaniacmo mbendeia ma Onesiporusapa, mana kacnimnanmo, kakadmaina opotaca monande. Na memetmbaca Onesiporusa aukna nikinik iroa laņa moca wewettarena, na aku kac ņgoreac ndeacrenanna, ma mba numbira morenan. Wanaiņ.

<sup>17</sup> An minna ma auņ aniac Romna kīpatke, ma aukmo watna toņtoņap, aintik ma gagraca aukmo ore taņ, tanņa iņmbaia ma aukmo watrina. <sup>18</sup> Ainda moca aku Kacootmo mbendeia, ma manmo Raraņ Aetaniacna ritri waparacna ra aniacalaru te, ma manmo kakadmaina opotaca monandet. Na u matau lamņirena, Onesiporus, ma aukmo otaca aiņir wiť aniacal Epesus, auņ aniacal tikca moatna.

## 2

*Timoti ma Karais Iesusna lapoca ruņrena ramoot laņ ndeac*

<sup>1</sup> Aintik aukna nuoc Timoti, memetmbaca u Karais Iesusna kakadmaimo wattacarica ma unmo, mo gagraņa. <sup>2</sup> Na an kambca aku meikramtairmo muruņcamiņņa lamnikta outta tikca wiwitiatnanna, u waracrinanmo, anmo u Raraņ Aetaniacna meikramtaira mana kammo utiņņa gagraca eacrenanmo neaņ. Te, mina kabena meikramtair motocmo riptina.

<sup>3</sup> Te, u Karais Iesusna lapoca ruņrena ramoot laņ ndeaca, an aiņirta makukar aia kabena ramtaira mbukrenanna, u toco anna mbuknande. <sup>4</sup> Na u lapoca ruņrena ramtairta tipemb kirarira u lamņirena. Mina an aiņa mo te, mina kabena aiņa mba morena. Mina lapoca ruņrena aiņ niņgikca morena, te, mina lapoca ruņrena ramoot paņanna, an aiņa tonņonandet. <sup>5</sup> Na ramootta katum ņgot te, ma mana tipemb kirarira raņgai, na wanaiņ ecte, ma katum ņgotrena gagamma, ma mba aņģiitndai. <sup>6</sup> Na ramootta wariņna aiņ aniaca moca, reik mbat-aca minmo raupņirenan, ma an wariņna amta reikca ma ndo ņgoinna outta tikca aņģinandet. <sup>7</sup> Na an kambca aku unmo mboprenanna, u lamņirena, te, Kacootta una iro landamņimo mo piarnandet. Na u an reikta miniņta kambca u muruņcamaiņa lamņinandet.

<sup>8</sup> Aintik memetmbaca u Iesus Karaisna lamņiraņ, ma menaca ma mac nda ņgepatna, na ma Gagrirta Ramoot Paņan Dewitna wiwitnan. An kam wembaņ laņa, aku wiwitica mboprena kirar ņgoin. <sup>9</sup> Na an kam wembaņ laņa, aku man wiwitica mboprenanna, anna miniņna moca meikramtaira aukmo ramoot ņgoreac ndoprena. Ainda moca mina aukmo ainta makukara neaņrena, na aukmo kac ņgoreaca tikrina. Na Raraņ Aetaniacna kamma, ma mba

---

**2:3** 1 Ti 1.18, na 2 Ti 1.8, na 4.5    **2:4** 1 Ko 9.25    **2:5** 1 Ko 9.25-26, na 2 Ti 4.8    **2:6** 1 Ko 9.7, na 9.10    **2:8** Ro 1.3, na 2.16, na 1 Ko 15.1, na 15.4, na 15.20    **2:9** Up 9.16, na 28.31, na Epe 3.1, na 3.13, na Pil 1.7, na 1.12-14, na Kol 4.3, na 4.18

kac ngoreaca eacitndai. <sup>10</sup> Ainda moca aku ndona nikinik iroa moca gagraca an makukara muruᅇa mbukrena, te aku Raraᅇ Aetaniacna meikramtaira ma ndo riacrinanmo otacnan. Na aku toᅇgorinanna, meikramtaira Karais Iesusa minmo mac nda aᅇginanna, mina iarwarna eteacna wat aᅇᅇi te, mina manap iarwara laᅇ ndeacraᅇnandet.

<sup>11</sup> Na gan kamma aku mbopeknanna, anna kam gidik ᅇgoin.

“Aintik ai manap menac te,  
ai toco manap iarwara eacraᅇnandet.

<sup>12</sup> Na aia gagraca witikca,  
makukara mbuk te,  
ai toco manap gagrirta ramtair paᅇainda  
laruca eacnandet.

Na aia manmo iᅇ neaᅇ te,  
ma toco aimo iᅇ neaᅇnandet.

<sup>13</sup> Na aia mana raᅇgaina kam leaca,  
mamo raᅇgai ᅇgocor te,  
aina an kamma ma mbopatnanna,  
ma raᅇgainandet.

Aintik ma mbopatna mana kamma,  
ma mba ᅇgetrikitndai, wanaiᅇ ᅇgoin.”

*Timoti ma aiᅇ gargara mo te, ma Raraᅇ  
Aetaniacna aiᅇna ramoot ndarunandet*

<sup>14</sup> Ainda moca u memetmbaca meikramtairmo,  
an kammo lamᅇina moca minmo otac. Na

---

**2:10** 2 Ko 1.6, na Epe 3.13, na Kol 1.24    **2:11** Ro 6.5, na 6.8, na 2 Ko 4.10-11, na 1 Ti 1.15    **2:12** Mt 10.33, na Lk 12.9, na Ro 8.17, na 1 Pi 4.13    **2:13** Ndu 23.19, na Ro 3.3-4, na Ta 1.2    **2:14** 1 Ti 1.4, na 5.21, na 6.4, na Ta 3.9

Raraŋ Aetaniacna lamniac ngoutmo, u minmo mbopca mina titocna kambta kambca kai ipuŋi mbop teac. Na an kamma meac, co, ramoot ianna mba otacitndai. Wanaiŋ ngoin. Na meac, co, ramootta an kamma memetmbaca waracrenanna, ma minmo mo ngocrainandet.

<sup>15</sup> Aintik u gagraca aiŋa mo te, Raraŋ Aetaniaca ma una aiŋa tonjonandet. Na u Raraŋ Aetaniacna kamma u gidikca wandon ngoinna wiwiti, na u mana lamniac ngoutta, u numbir kocor.

<sup>16</sup> Na Raraŋ Aetaniacna iroa ranŋai ngocorta kamb ngorikmo, u iŋ neaŋ. Na ainta an kambca, ma meikramtairmo anŋi taŋca Raraŋ Aetaniacmo iŋ neaŋna taupca tikraŋandet. <sup>17</sup> Na ainta kamma ma gamurmurna pit ngoreacna kirar, na ma tawaŋga acnaica taŋrena, te, ma ramootta mo ngocraina min. Na an kam ndoprena ramootniŋa Eimeneusapa, Piletus. <sup>18</sup> Na maniŋa kam gidikna taupmo tikcarica maniŋa aindoprena, “Raraŋ Aetaniaca menacrina meikramtair ndeidmo, muk ngetacndiŋa nda mo ngeprinan. Aintik iŋmbaia aia muk ngetacndiŋa mba mac nda ngepitndai.” Na an kam mbuŋa mina meikramtair ndeidta ritiŋaikca mo ngocrairena.

<sup>19</sup> Ainda moca Raraŋ Aetaniac, ma ndona Iesusna ritiŋaikta meikramtairta tumbunmo, wit gargara anŋi witikri, na an witta ma witikca eacrena. Na an wit nambatta ma gainda

---

**2:15** 1 Ti 4.6, na Ta 2.7-8      **2:16** 1 Ti 4.7, na 6.20, na Ta 1.14

**2:17** 1 Ti 1.20      **2:19** Ndu 16.5, na 16.26, na Ais 52.11, na Nau 1.7, na In 10.14, na 10.27, na Ro 8.35, na 1 Ko 8.3, na 1 Io 2.19



tirrina, “Kacootta ma ndona meikramtairmo ma matau lamñirena.” Na gan kam tip toco ma tiratna, “Meikramtaira muruñcamiña Kacootna i angirenanna, mina tipemb ñgorikta makukarmo iñ neañ.”

<sup>20</sup> Na kac aniac ianna inikca mina tuongour ndeida mina golapa, silwa mbuña morenan, na ndeida mina ikapa, tiacarpaik mbuña morinanna anna eacrena. Na ndeid punğa mina aiñir anik laiña morenan, na ndeida mina kabena ainta aiñira morenan. <sup>21</sup> Aintik ramootta ndona tipemb ñgorikta makukara mo kecarica, ma Rarañ Aetaniacna lamñiac ñgoutmo rat ndaru te, ma an golapa, silwana tuoña mina aiñ laña morena kirar ñgoin toc ndarunandet. Na ma Rarañ Aetaniacna ramoot ñgoin ndeacnandet. Na ma ndona Kacootmo otacna min. Te, kaina aiñ laña kip te, ma kocroca ma monandet.

<sup>22</sup> Ainda moca memetmbaca u ramtair ñgaibta nikinik iroarta ainta tipemb ñgorikta kirarirmo iñ neañ. Te, u aiña moa tip kirar lañ wandon angì, na Rarañ Aetaniacna ripacrena tip kirarapa, kabena meikramtaira matñirena tip kirarapa, nikinik iro wetwetna tipca u angì. Ainda moca ne muruñcamiña an tipemb kirarirmo morañ, na unapa meikramtaira Rarañ Aetaniacna lamñiac ñgoutmo rat ndeacrenanna, ne Kacootna imo mbendeiran, na manmo ranğairañ.

<sup>23</sup> Na iroar laiñ kocorta ramtairmo, u mina kambmo ndona koara kai tikca, mina kamb

---

**2:20** Ro 9.21, na 1 Ko 3.12, na 1 Ti 3.15    **2:21** 2 Ti 3.17, na Ta 3.1    **2:22** Up 9.14, na 1 Ko 1.2, na 1 Ti 1.5, na 6.11    **2:23** 1 Ti 4.7, na 2 Ti 2.16, na Ta 3.9

ngorikca kai warac teac. Na u lamņirena, ainta kambca ma kaega morena kammapa, runduņa morenan. <sup>24</sup> Ainda moca Kacootna aiņa morena ramootta ma kaega morena kamma kai mo teac, na ma kai ruņ teac. Ma meikramtairmo muruņcamiņa tipemb kirarir laiņa mo. Na meikramtaira mana kamma warac ngocor te, ma ndona nikkakatmo kitaci irikca ma taup laņa oreā meikramtairmo Raraņ Aetaniaca tonņorena tipembta kirarira riptina. <sup>25</sup> Na meikramtaira kammo nda mbo-prenanmo, ma minmo laņanna mbopca mina iroara wandoņaina. Na ma ainda mo te, Raraņ Aetaniaca ma minmo otacnandet, te, mina iroar inkar ngetrikica kam gidikna landamņi laņ anņinande. <sup>26</sup> Ainda moca Paparuna Ramootta ma minmo ndona weaņ mbuņa minmo maanņiat, te, minmo moca mina mana kammo ranņaina. Na u minmo kam gidikmo ripti te, mina iroar piarca raek ndaruca laņa monandet, na mina Paparuna Ramootna weaņ tikcarica mina makukar kocor teacnandet.

### 3

*Gan tiacarpaikna mamaina ra kipca rambuņai te, meikramtaira tipemb kirarir ngorikca moranndet*

<sup>1</sup> Ainda moca u gaind ndamņi, gan tiacarpaikna mamaina ra kipca rambuņai te, makukar wit ngorik koinda larurannde.

---

**2:24** 1 Ti 3.2-3, na Ta 1.7-9, na 3.2    **2:25** Gal 6.1, na 1 Ti 2.4, na 6.11, na Ta 1.1, na 1 Pi 3.15    **3:1** 1 Ti 4.1, na 2 Ti 4.3, na 2 Pi 3.3, na 1 Io 2.18

<sup>2</sup> Te, meikramtaira ndorita toŋtoŋgar tiŋgikca raŋgairannde, na mina kituknduk aŋgina toŋtoŋ ŋgoin. Na mina ndorita irembca aŋgi ŋgep te, mina kamma mba waracitndai, na mina kaega monande, na kabena meikramtairmo peperena kamb ŋgorikca mbopraŋnande. Na mina ndorita aemeraeterta kambca mba waracitndai, na meikramtaira minmo tipemb kirarir laŋga morinan, na mina minmo kam laŋa mba neaŋitndai, na Raraŋ Aetaniacna tipemb kirarirmo, mina iŋ neaŋnandet. <sup>3</sup> Na mina kabena meikramtairmo, ac tikna iroar laŋgap kocor, na mina kaegna kamma mo te, an kaega wandonaina taupemb kocor. Na kabena meikramtairmo mina minmo ndoŋndoŋ rapacrena. Na mina ndorita tikna toŋtoŋa mba raŋgaiitndai, na mina ruŋca kabena meikramtairmo mo ŋgocrainandet. Na tipemb kirarir laŋga mina manmo puŋnaŋgepca monandet. <sup>4</sup> Na mina ndorita aikndamtairmo, mina minmo tipemb kirarir ŋgorikca monandet. Na mina ndorita iroar ŋgorikmo, tawi ŋgoinna raŋgairannde. Te, mina gaimd ndamŋinandet, mina ndori irembapna ramtair anik. Na mina Raraŋ Aetaniacmo mba toŋgoitndai, na mina gan tiacarpaikna toŋgorena ainta tipemb kirarirmo mina toŋgoraŋnande. <sup>5</sup> Te, mina Raraŋ Aetaniacna tipemb kirarirmo mina ndorita

---

**3:2** Ro 1.29-31, na 1 Ti 1.20, na 6.4, na 2 Pi 2.3, na 2.12    **3:3**  
 Ta 2.3, na 2 Pi 3.3    **3:4** Pil 3.19, na 2 Pi 2.13, na Iu 1.4, 19    **3:5**  
 Mt 7.15, na 7.21, na Ro 2.19-20, na 2 Te 3.6, na 1 Ti 5.8, na 6.5, na  
 Ta 1.16

tikemb tingik punğa raŋgainandet. Na mana tipemb kirarir gidkara eacrena gargar aniaca mina emtemma mba lamnjiitndait. Aintik ainta ramtaira u minmo iukaia tawan ndeacraŋ.

<sup>6</sup> Na ainta ramtaira mina taupembta koreca iroar laiŋ kocorta meikta kaikca mbukna morenan, te, minmo wai aoca mina iroarta ŋginaiŋga monande. Na an meikca mina tipemb ŋgorikta makukar witta morinan, na an makukna makukara mina mbukca watrinan. Na ma mina nikinik iroar mo ŋgepca minmo wiŋga mina miniŋ kocorta tipemb kirarira morenan. <sup>7</sup> Na ainta meikca mina rip-tiar aŋgina tontongar anikap, na mina Raraŋ Aetaniacna kam gidikca mina landamŋi aŋgina minna wanaiŋ. <sup>8</sup> Aında moca atua Ianesapa Iambresa, maniŋa Mosesmo puŋnaŋgepca mori. Na an kirar kabea morena ramtaira, mina kam gidikmo puŋnaŋgepca morena. Na mina iroara ŋaŋaori, na mina Raraŋ Aetaniacmo gidikca mba ripacrena.\* <sup>9</sup> Na mina an tipemb kirarira, ma mba acnairi. Wanaiŋ ŋgoin. Aintik meikramtaira muruŋcamiŋa wat te, mina tipemb kirarira muruŋcamiŋa ŋaŋao ŋgoin. An kirara atua meikramtaira watrinanna, Ianesapa Iambres mbanija morena ŋaŋaŋaona tipembta kirarir.

---

**3:6** Mt 23.14, na Ta 1.11      **3:8** NA 7.11, na Ro 1.28, na 2 Ko 13.5, na 1 Ti 6.5, na 2 Ti 2.25      \* **3:8** Na Mosesna minna ma Isip ndeacri, Iudanangepca mina gaimda ninirena, Ianesapa, Iambres anna Isipna gagrirta ramoot paŋanna reik tipembmo wacica aŋgirena ramootniŋ. Na u Nda Aŋgiatna timbigta kap sapta 7 wes 22, na sapta 9 wes 11na inikca wat.

*Timoti ma Raraŋ Aetaniacna kammo utiŋa gagra*

<sup>10</sup> Na u aukap eacri, u aukna tipemb kirarira u lamŋirena, aku meikramtairmo Raraŋ Aetaniaca tonŋorena tipemb kirarira aku minmo rip-tirena. Na aku taŋrena tipemb kirarirapa, mana miniŋna tipemb kirarirmo, u muruŋcamiŋa lamŋirena. Na u lamŋirena aku Raraŋ Aetaniacmo gagra ripacrena, na memetmbaca aku ndona nikinik iroa moi gagra aiŋira morenan, na aku kabena meikramtairmo matŋirenan, na aku gagra witikca, makukara mbukrena. <sup>11</sup> Na meikramtaira aukmo morina tipemb ŋgorikcapa, gŋgirara muruŋcamiŋa aukmo Antiokapa, Aikoniammapa, Listara tikca aku mbukrenanna u lamŋirena. Na an reik ŋgorik koindara mina aukmo an auŋembca tikca morinanna u lamŋirena. Na Kacootta aukmo an makukar witmo otaca aku laŋ ndeacrena. <sup>12</sup> Gidik ŋgoin, meikramtaira muruŋcamiŋa Karais Iesusmo mikna morenanapa, Raraŋ Aetaniacna tipemb kirarirmo ranŋaina morenanna, meikramtaira minmo tipemb ŋgorikca monandet. <sup>13</sup> Na meikramtair ŋgorikcapa, paparuna ririptia morena ramtaira mina meikramtairmo paruraŋnandet. Ainda moca meikramtair ŋgorik toco, mina paru-raŋnandet, na mina tipemb kirarira kocnai ŋgocrainandet.

---

**3:10** Pil 2.22, na 1 Ti 4.6      **3:11** Nap 34.19, na Up 13.14-52, na 14.1-20, na 2 Ko 1.10      **3:12** Mt 16.24, na In 15.20, na 17.14, na Up 14.22, na 1 Te 3.3      **3:13** 2 Te 2.11, na 1 Ti 4.1, na 2 Ti 2.16

<sup>14</sup> Na un ngoinna u an kammo u anġirinanna, na u anna ripacrenan, na u anmo utiġi gagara. Na meikramtaira unmo riptiar neanġatnanna, u minmo mataua lamnjirena. <sup>15</sup> Na an minna u nuoc teker ndeacrinanna, u lamnjirena, u Raraġ Aetaniacna Timbigta Kap rat mbuġa u an landamġi anġiatna. Na an Timbigta Kapca unmo iroar laiġa neaġna min, te, u Karais Iesusa ripacna, na Raraġ Aetaniaca unmo mac nda anġinande. <sup>16</sup> Na Raraġ Aetaniacna Njeroġa ma ndo ngoinna, an kambca Raraġ Aetaniacna Timbigta Kap ndeacrena kammo, moca larurina. Aintik an kamma ma reac laġ ngoin, ma aimo kam gidikna riptia neaġrena, na ma iroar laiġ kocorta meikramtairmo wandoġairena, na aina mbibirac eteaca wandoġairena, na aimo Raraġ Aetaniacna lamniac ngoutta tipemb kirarirmo wandoikca mona riptirena. <sup>17</sup> Ainda moca an kamma aimo Raraġ Aetaniacna meikramtairmo, moca aia tipemb kirarir laiġmo muruġa anġirinanna, na aimo ma mo kocroca aia aiġir laiġmo muruġa mona.

## 4

### *Timotia ma Raraġ Aetaniacna kammo gagaraca wiwitina*

<sup>1</sup> Aintik Raraġ Aetaniacna lamniacapa, Karais Iesus, ma meikramtaira muruġcamiġa menacrinanapa, menac ngocortanna, ma toco

---

**3:14** 1 Ti 1.13, na 2.2    **3:15** In 5.39, na 1 Pi 1.20-21    **3:16** Ro 15.4, na 2 Ti 2.21, na 2 Pi 1.20-21    **3:17** 1 Ti 6.11, na 2 Ti 2.21  
**4:1** Up 10.42, na Ro 14.9-10, na 1 Ti 5.21, na 6.13

mina tipemb kirarira ritrinandet. Na aku unmo gagara aind mambopek, Karais Iesus, ma meikramtairmo muruŋcaminŋa lamnikmo raek ndarunandet, na ma memetmbaca gagrirta ramoot paŋanna eacraŋnandet. <sup>2</sup> Ainda moca u mana kammo gagraca wiwitiraŋ. Na meikramtaira mana kammo waracna kocrori, co, kocro ŋgocor, u memetmbaca Karaisna kammo gagraca wiwitiraŋ. Na u minmo kam gargar neaŋca mina iroara riŋga, mina iroara moi ŋgepca mina iroar inkar uriraca Raraŋ Aetaniacna tipemb kirarira raŋgaina. Ainda moca u memetmbaca u minmo laŋaŋ wetwetta minmo Raraŋ Aetaniaca toŋgorina tipemb kirarirmo mataui riptiraŋ. <sup>3</sup> Na u warac, inŋbaia meikramtaira mina kamb wandoikmo, mba mac toŋgoca waracitndai. Wanaiŋ ŋgoin, mina koura ainta kamb ŋgorikca waracna toŋtoŋ ŋgoinap, te, mina ramtair witmo aŋgica mina toŋgorena kammo riptica mina waracna. <sup>4</sup> Ainda moca mina kam gidikmo inŋ neaŋca mina ninini wanaiŋmo kourmo tikca waracrena. <sup>5</sup> Na memetmbaca u ndo u lamŋi piarnande. U makukarapa, gŋgirara u mbuknandet. Na u kam wembaŋ laŋna aiŋa moca, meikramtairmo wiwitiraŋ. Na u meikramtairmo opotacna aiŋap, na u an aiŋmo gidikca mo.

### *Pola menacna rambuŋairi*

---

**4:2** Up 20.20, na 20.31, na 1 Ti 4.13, na 5.20, na Ta 1.13, na 2.15

**4:3** 1 Ti 1.10, na 4.1, na 2 Ti 1.13, na 3.1, na 3.6    **4:4** 1 Ti 1.4, na 4.7, na Ta 1.14    **4:5** Up 21.8, na Epe 4.11, na 2 Ti 1.8, na 2.3

<sup>6</sup> Na u lamñirena aku menacna rambuñairi, na aukna racaindpaikca kactaca ma an wainna mina Raranj Aetaniacmo gimbamba neañrena kirar. Na aku nenmo tikcarina ra kipca marambunairi. <sup>7</sup> Ainda moca aku runduñ lañmo aku maruñgat, na aku opot laña katumrina. Na mandeaca aku mana mamamaina minna maañgiat. Na Raranj Aetaniacna ritipaca aku utiñga gagraca eacrena. <sup>8</sup> Na mandeac an katumna gagamma ramootta outta tik te, ma añginanna, ma aukmo kocroca lambica eacrena. Na outta tikrena gagamma gaind, Kacootta aukmo ramoot wandoñ lañ ndopñandet. Na Kacootta ma tipemb kirarir wandoik laiñ tiñgikca ranğairena, na meikramtairta tipemb kirarira ma ritrirenna. Na mana ritri waparacna ra, ma aukmo an outta tikrena ramootna gagamma, neaññandet. Na ma aukmo ndo kabea mba neaññitndai. Wanaiñ. Ma an meikramtaira mana watna tonñon añiacapa, mamó lambica ma raekca laruca ma mimo neaññandet.

*Pola Timotimo ndo ndambuña tawi ñgoinna taña*

<sup>9</sup> Na Timoti, u auk ndambuñmo towai gagraca tawi ñgoin nakip. <sup>10</sup> Na u warac, Demasa ma gan tiacarpaikna tipembta kirarira tonğorenan tik, ma aukmo tikcarica Tesalonika auñ añiaca matañgat. Na Karesens, ma Galesiana pitrik

---

**4:6** Pil 1.23, na 2.17, na 2 Pi 1.14    **4:7** 1 Ko 9.24-25, na Pil 3.14, na 1 Ti 6.12, na Ib 12.1    **4:8** 1 Ko 9.24-25, na 2 Ti 1.12, na Ie 1.12, na 1 Pi 5.4, na KIEK 2.10    **4:9** 2 Ti 1.4    **4:10** 2 Ko 8.23, na Gal 2.3, na Kol 4.14, na Pm 1.24, na Ta 1.4, na 1 Io 2.15



aniaca matanġat, na Taitusa ma Dalmesiana pitrik tekera matanġat. <sup>11</sup> Aintik Luka ma ndo kabea aukap eacrena. Ainda moca u Makmo anġica ma unap kip, ma aukmo otaca aiġa mona ramoot lanġ. <sup>12</sup> Na Tikikusa aku manmo, mandaca ma Epesus auġ aniaca matanġat.

<sup>13</sup> Na u kipna mo te, u aukna tik nġapaoc rocotta aku Toroas auġa tikcarinanmo anġica kip, na ma Karpusna kac ndeacrena. Na timbigta kaipa mina amta nġoaebta inġir punġa morinanna, u anmo ndarekrekke nari, an timbigta kaipa u anap anġica kip.

<sup>14</sup> Na baras mbuġa reikca morena ramoot, Aleksander, ma aukmo reik nġorik witta morina. Ainda moca inġmbaia Kacootta manmo an tipemb kirarira ma morinanna, nda rutica manmo mo nġocrainandet. <sup>15</sup> Na u toco, u mana moca mammo matau wat, ma aina kammo ipunġa gagraca nda mboprina.

<sup>16</sup> Na out nġoinna aku ndona wawara ritri waparacna kam ndopri, ramoot ianna aukap mba witikca aukmo otaca mbopri. Wanaiġ, mina muruġcamiġa aukmo tikcariatna. Na aku Raraġ Aetaniacmo mbendeia, ma mina an tipemb nġorikta moca anna kai lamġi teac. <sup>17</sup> Ainda moca Kacootta ma ndo kocroca, aukmo gargara neanġrina. Aintik aku kam wembanġ lanġmo

---

**4:11** Up 12.12, na 12.25, na 13.13, na 15.37-39, na Kol 4.10, na 4.14, na Pm 1.24      **4:12** Up 20.4, na Epe 6.21-22, na Kol 4.7-8

**4:13** Up 20.6      **4:14** Nġap 28.4, na 62.12, na ML 24.12, na Up 19.33, na Ro 2.6, na 1 Ti 1.20, na KIEK 18.6      **4:16** Up 7.60, na 2 Ti 1.15      **4:17** Nġap 22.21, na Dan 6.22, na Up 23.11, na 27.23, na 2 Pi 2.9

wiwitica minna tikri, na Iudana meikramtair wanaiŋa muruŋcamiŋa waracrina. Na Kacootta aukmo amna ŋgoaem, laionna upa tikca maanŋiat. <sup>18</sup> An kirar mbuŋa mina aukmo tipemb ŋgorikca moeknanna, Kacootta aukmo mac nda anŋinandet. Te, ma aukmo laŋa mona moca, aukmo ndona bubuocrena tamuŋna auŋ naanŋi taŋnandet. Na aia mana i aniacmo memetmbaca iarwar naanŋi ŋgepraŋnandet. Na anna gidik.

<sup>19</sup> Na u aukna ra laŋmo Pirisilaapa, Akuwila maninmo neaŋ, na Onesiporusna kacnimnanmo neaŋ. <sup>20</sup> Na Erastus, ma Korin auŋ aniac maeacreke, na Toropimusa ma rounbap tik aku mamu auŋ aniac Miletusa tikcamacariri. <sup>21</sup> Na u gagraca tawi kip. Na u lambi te, laemba kipnandet.

Na Iubulusapa, Pudensapa, Linusapa, Kilodi-aapa, Iesusa ripacrena laiplacara muruŋcamiŋa unmo ra laŋ neaŋrina.

<sup>22</sup> Aintik Kacootta una ŋeroŋap eac. Na mana kakadmaica nenap muruŋcamiŋa eacnandet.

---

**4:18** Ŋap 121.7, na Ro 11.36, na Gal 1.5, na Ib 13.21    **4:19** Up 18.2, na 2 Ti 1.16-17    **4:20** Up 19.22, na 20.4, na 21.29, na Ro 16.23

**Raraŋ Aetaniacna Kam Wembaŋ Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

8e1073ed-d2dc-5f3a-bb48-5406185123a7